



Claudii Fleurii Abbatis Historia Ecclesiastica

Ab anno Christi 1549. usque ad annum 1551 - ... Atque Tabulis
Chronologicis Ab Anno Christi 1000 Usque Ad 1595 ...

Fleury, Claude

August. Vind. [u.a.], 1770

VD18 90118537

§. 39. Alia ejusdem Papæ diplomata ad varios principes.

[urn:nbn:de:hbz:466:1-66584](#)

loci Oppidæ Cavallicensis Diœcesis in Ave-Sæcul. XVI.
 nionensi Comitatu, vasallum nostrum in car- A.C. 1550.
 ceribus jam diu detineri, & coram cæteris
 officialibus tui Regni molestari: Nos atten-
 dentes, quod Paulus Prædecessor, & Fran-
 ciscus Rex, hæc tanquam ad honorem Dei,
 & pro conservatione suæ fidei Catholi-
 cæ fieri permisissent, Majestatem tuam
 Regiam his nostris literis rogamus, &
 hortamur, ut intuitu ejusdem Religionis,
 & ne, si quæ adhuc in nostris partibus su-
 persint, Hæreticorum reliquiae ex molestiis
 eidem Joanni illatis sibi gloriam comparent,
 Officialibus tuis prædictis mandes, ne eun-
 dem Joannem occasione expeditionis loci de
 Capriiis hujusmodi, & quorumcunque in
 illa gestorum in persona, vel bonis quomo-
 dolibet molestare præsumant, quinimo eum
 statim liberum dimittant; rem enim nobis,
 qui 'oc summopere cupimus, gratissimam
 præstabis: plura super hoc referet noster a-
 pud te Nuntius, cui plenam fidem adhibere
 poteris. Nihilominus hoc negotium non-
 nisi anno sequenti exitum fortiebatur.

§. XXXIX.

Alia ejusdem Papæ Diplomata ad va- rios Principes.

Eodem hoc anno Domini millesimo Rayn. n. 36.
 quingentesimo quinquagesimo idem 39. 43. &c.
 summus Pontifex alia adhuc diploma-

Sæcul. XVI ta in Religionis negotiis ad diversos
A.C. 1550 transmisit Principes, præcipue vero ad Antonium Navarræ Regem, cui respondebit ad literas, quas idem hic Rex non ita pridem per Cardinalem Turnonium perscripserat. In hisce litteris die secunda Augusti datis Pontifex eidem gratulabatur, quod in tuenta vera fide adeo præclare fese gessisset. Extat aliud diploma ad Sigismundum Poloniæ Regem, quem Papa, ne hæreticos e Germania abeuntes in Regnum suum irrepere pateretur,hortatur, simulque certiorem reddit, quod Concilium paulo post Tridenti sit continuandum, proin & ipse suos quoque Episcopos eo ablegaret. Porro cum Georgius Pomeraniæ Dux Protestantium doctrinæ aditum ad suas ditiones patefecisset, hicque omnia sus, deque verteret, hinc Pontifex Culmensem Episcopum amplissimis instruxit mandatis, ut censuram fidei in hæreticos exerceret, redeuntes vero ad officium reconciliaret Ecclesiæ. Dabat hanc epistolam Pontifex die vigesima quinta Iuli. Præterea occurunt aliæ pariter litteræ ad Poloniæ Episcopos die vigesima Decembris perscriptæ, in quibus eorum studium excitare nititur, ut fese hæreticis opponant, totoque conatu

pro-

prohibeant, ne eorum errores sese ^{Sæc. XVI.}
in hoc Regnum insinuent. ^{A.C. 1550.}

Interea temporis cum hæresis in pluribus Europæ Regnis indies altiores ageret radices, veræ fidei lumen sese usque ad extremas Asiæ ditiones diffundebat: cum vero tam secundus Religionis progressus præprimis Deo, & postea potissimum sollicitudini, ac vigilantiae Joannis Lusitaniæ Regis in acceptis referendus esset, hinc Pontifex suarum partium esse existimabat, ut dato ad Regem diplomate die decima tertia Februarii anni sequentis (*) eidem tam amplam fidei segetem gratularetur in hæc prorumpens verba: *Te Fili in Christo charissime! inter cæteros Christianos Reges impense diligimus, & maximi facimus, non solum ob inclytam erga Deum pietatem, atque erga hanc sanctam Sedem observantiam, cæterasque virtutes tuas, quibus splendorem Regii culminis exornas, sed etiam quod tuo, tuorumque Progenitorum beneficio, & navigationibus, ipse orbis terrarum antea ignotus, magna ex parte nunc cognitus, & quod plus est, Deo, ac vobis per agnitionem Christianæ veritatis acquisitus sit.*

§. XL.

(*) Data est hæc epistola hoc anno Domini millesimo quingentesimo quinquagesimo, quapropter corrigendus est Continuator.